



# OL GUTPELA LIDA GAT WANEM KAIN PASIN?

**OL LIDA BILONG YUMI KARIMAUT OL TOK PROMIS BILONG OL.**

## Dispela posta skulim mipela olsem:

- Wok bilong vot em bikpela samting. Vot bilong yu ken kamapim senis long ol laip bilong olgeta manmeri long komyuniti bilong yu.
- Yu gat wok long save husat yumi laik votim. Wok strong long save gut long ol kendidet bilong yumi bipo long yu vot. Tingim, bai yu vot insait long klostu long 5-pela seken tasol, na bai yu karim hevi 5-pela yia sapos yu vot kranki.
- Long LPV sistem yu ken makim 3-pela kendidet taim yu vot. Tasol tingim – wanpela tasol bilong ol ken win. Makim gut.

**TOK PISIN  
VERSION OF  
POSTER TO GO  
HERE**

## Wanem em gutpela lida?

Planti taim ol lain save tokim yumi long votim “gutpela lida”. Tasol wanem em gutpela lida?

Wanpela gutpela lida em man o meri husat;

- i no save giaman,
- gat stretpela pasin na save bihain lo,
- i nogat rekot bilong brukim lo,
- i save long na save bihainim ol lo bilong PNG na tok strong long ol narapela long mekim wankain,
- i gat gutpela rekot long helpim ilektoret na kantri,
- i man bilong wok na save painim ol rot long mekim ol samting kamap,
- yu save olsem em bai mekim samting stret,
- em save mekim samting we i stret na gat strong,
- save long ol hevi bilong ilektoret bilong em na save wok hat long stretim ol dispela hevi,
- save bilip long Papua Niugini olsem wanpela kantri, na no save tingim ol wantok na hauslain tasol.

Ol gutpela lida save bilip long ol manmeri ol go pas long, na save askim ol long tingting bilong ol long ol we long mekim ilektoret bilong ol gutpela ples long olgeta manmeri long stap long en. Ol bilip long givim ol sevis long olgeta manmeri long ilektoret, olsem helt sevis, skul, klinpela wara na ol rot. Olgeta manmeri long ilektoret i wankain long ol na ol no save givim moa sevis long ol wantok bilong ol.

Ol gutpela lida em ol man o meri we yumi save bai mekim samting stret long ilektoret long rot we i stret.

## Wanem em nogut lida?

Ol nogut lida em ol lida husat laik kisim ol samting long ol vota na komyuniti bilong ol tasol, na i no givim samting go bek.

Wanpela nogut lida em man o meri husat;

- save giaman na no save lukautim na yusim gut mani bilong ilektoret,
- save brukim lo na no save mekim stretpela pasin,
- I nogat rispek long lo na sampela taim save gat rekot long brukim lo tu,
- I no klia long ol lo bilong PNG na we bilong go pas long ol manmeri aninit long en,
- nogat gutpela rekot long helpim ilektoret na kantri na ol manmeri no save bilip long en,
- em no save mekim samting we i stret na i lesman,
- I no save mekim samting stret,
- pretman na save yusim pawa bilong em long pretim na bosim ol narapela,
- save stap long Waigani tasol bihain long ol ilektim em na no save makim ol manmeri long ilektoret bilong em,
- I save tingim em yet na ol wantok na hauslain bilong em, i no kantri Papua Niugini.

Taim yu bungim dispela kain kendidet, tingting sapos dispela kendidet i gat sampela bilong ol dispela pasin antap. Sapos em gat, tingting gut. Yu laik putim bihain taim bilong yu na ol pikinini na tumbuna bilong yu long han bilong dispela kain man. Mekim gutpela disisen long lukim neks 5-pela yia ol gutpela yia bilong yu na famili bilong yu.